

Na osnovu člana 13. Statuta Fonda za zaštitu okoliša FBiH ("Službene novine Federacije BiH", broj: 33/06), a u vezi sa članom 10. Pravilnika o postupku objavljivanja konkursa i odlučivanja o odabiru korisnika sredstava Fonda za zaštitu okoliša Federacije BiH ("Službene novine Federacije BiH", broj: 73/10 i 17/15), te Odluke upravnog odbora Fonda za zaštitu okoliša Federacije BiH broj: UO-01-3-6-4-2/2016 od 21.12.2016. godine kojom se prihvataju prigovori aplikanat i kojom se isti upućuju na ocjenu stručne komisije (objavljeno na službenoj stranici Fonda: www.fzofbih.org.ba), a koji su se prijavili na Javni konkurs za korištenje sredstava Fonda za zaštitu okoliša Federacije BiH, za realizaciju programa, projekata i sličnih aktivnosti iz područja zaštite okoliša za 2016.godinu - JP 2016/1 (broj: UO-01-3-2-2-2/2016 od 27.07.2016.godine), a sve u skladu sa Izveštajem Komisije za stručnu analizu i ocjenu prijave sačinjenom po usvojenim prigovorima broj: 06-1-54/2017 od 11.01.2017. godine, Upravni odbor Fonda za zaštitu okoliša Federacije BiH na prijedlog direktora Fonda za zaštitu okoliša Federacije BiH na svojoj 5.sjednici održanoj dana 27.01.2017.godine d o n o s i:

O D L U K U

o odabiru korisnika sredstava Fonda za zaštitu okoliša Federacije BiH povodom prigovora, a na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu – JP 2016/1

I.

Pravo na korištenje sredstava Fonda za zaštitu okoliša Federacije BiH (u daljem tekstu: Fond) na osnovu provedenog Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu – JP 2016/1, ostvaruju sljedeća 3 korisnika:

LOT 2. Ostali projekti zaštite voda od značaja za FBiH

1. Koteks d.o.o. Tešanj - projekat „Glavni projekat tehnoloških i oborinskih otpadnih voda u pogonu preduzeća Koteks d.o.o. Tešanj“ – 20.000,00 KM
2. Rudnik krčenjaka "VIJENAC" d.o.o. Lukavac - projekat „Glavni projekat prikupljanja, odvodnje i tretmana otpadnih voda sa pogona kamenoloma Vijenac“ – 15.500,00 KM

LOT 3. Projekti i studije u cilju ispunjavanja ciljeva Federalne strategije zaštite okoliša

3. Kemokop d.o.o. Sarajevo - projekat „Studija upravljanja otpadnim gumama u FBiH, stanje i perspektiva“ – 15.600,00 KM

II.

Sredstva iz tačke I. ove Odluke osigurat će se sa pozicije 614 000/ Tekući transferi i drugi tekući rashodi.

III.

Na osnovu ove Odluke zadužuje se direktor Fonda na sklapanje ugovora sa odabranim aplikantima, u kojima će se utvrditi iznos odobrenih sredstava, uslovi i način korištenja dodjeljenih sredstava, vremenski rok za realizaciju projekta, način plaćanja i kontrole namjenskog korištenja dodjeljenih sredstava, te ostala međusobna prava i obaveze korisnika sredstava Fonda.

IV.

Ugovori će se sklapati u skladu sa odredbama Pravilnika o postupku objavljivanja konkursa i o odlučivanju o odabiru korisnika sredstava Fonda („Službene novine FBiH“, broj: 73/10 i 75/15), Pravilnika o mjerilima za ocjenjivanje zahtjeva za dodjelu sredstava Fonda odnosno programa, projekata i sličnih aktivnosti („Službene novine FBiH“, broj: 73/10) i Pravilnika o uslovima i načinu dodjele zajmova ili pozajmica i drugih sredstava Fonda („Službene novine FBiH“, broj: 75/10).

V.

Odluka stupa na snagu danom donošenja.

VI.

Ova Odluka je konačna, te se protiv iste ne može izjaviti žalba ali se može pokrenuti upravni spor pred nadležnim sudom koji se pokreće tužbom, a koja se podnosi u roku od 30 dana od dana dostave ove Odluke.

Obrazloženje

Fond za zaštitu okoliša Federacije BiH je, na osnovu člana 27. stav 1., člana 32. stav 1., Zakona o Fondu za zaštitu okoliša Federacije BiH ("Službene novine FBiH", broj: 33/03), člana 7, člana 34, stav 1. i člana 36. Statuta Fonda za zaštitu okoliša Federacije BiH ("Službene novine FBiH", broj: 33/06), Finansijskog plana i programa rada Fonda za zaštitu okoliša FBiH za 2016. godinu ("Službene novine FBiH", broj: 14/16), člana 5. Pravilnika o postupku objavljivanja konkursa i o odlučivanju o odabiru korisnika sredstava Fonda ("Službene novine FBiH", broj: 73/10), te Odluke Upravnog odbora o raspisivanju Javnog konkursa za dodjelu sredstava za realizaciju programa, projekata i sličnih aktivnosti iz područja zaštite okoliša za 2016. godinu broj: UO-01-3-1-14-4/2016 raspisao Javni konkurs za dodjelu sredstava za realizaciju programa, projekata i sličnih aktivnosti iz područja zaštite okoliša za 2016.godinu koji je objavljen u „Službenim novinama Federacije BiH-Oglasni dio“ broj: 18/16, dnevnim listovima „Dnevni avaz“ i „Večernji list“ dana 09.03.2016.godine, kao i na službenoj stranici Fonda: www.fzofbih.org.ba. Nakon provedene procedure pregleda i ocjene prijava od strane komisija Fonda (Komisije za analizu prijava sa aspekta ispunjenosti formalno-pravnih uslova i Komisije za stručnu ocjenu prijava), a na prijedlog Direktora Fonda, Upravni odbor Fonda je donio Odluku o odabiru korisnika sredstava Fonda broj: UO-01-3-2-2-2/2016 od 27.07.2016.godine, na koju su aplikanti imali pravo prigovora.

Prema procedurama Fonda direktor Fonda je imenovao Komisiju za prigovore koja je obradila sve pristigle prigovore, te svoj izvještaj dostavila Upravnom odboru na osnovu koje je isti donio odluku o usvajanju 4 prigovora broj: UO-01-3-6-4-2/2016 od 21.12.2016.godine.

Komisija za prigovore je utvrdila osnovanost 4 prigovora sljedećih aplikacija, nakon čega su isti upućeni Komisiji za stručnu ocjenu i to sljedećim redom:

1. Koteks d.o.o. Tešanj - projekat „Glavni projekat tehnoloških i oborinskih otpadnih voda u pogonu preduzeća Koteks d.o.o. Tešanj“
2. Rudnik krčenjaka "VIJENAC" d.o.o. Lukavac - projekat „Glavni projekat prikupljanja, odvodnje i tretmana otpadnih voda sa pogona kamenoloma Vijenac“
3. JP Komunalno d.o.o. Žepče - projekat „Izrada tehničke dokumentacije za sortirnicu otpada“
4. Kemokop d.o.o. Sarajevo - projekat „Studija upravljanja otpadnim gumama u FBiH, stanje i perspektiva“

Komisija za stručnu ocjenu prijava je pregledala navedene projekte i sačinila Izvještaj sa komentarima pojedinih projekata, njihovim bodovanjem, te mišljenjem u pogledu tehničke spremnosti i finansijske konstrukcije, prema kojem su tri projekta pozitivno ocijenjena.

Na temelju Izvještaja stručne komisije, ukupno raspoloživih, preostalih sredstava na pojedinim LOT-ovima, direktor Fonda je dao prijedlog Upravnom odboru da se dodijele sredstva za tri pozitivno ocijenjena projekta.

Imajući u vidu ocjenu prijava od strane Komisije za stručnu ocjenu, odlučeno je kao u izreci ove Odluke.

**Predsjednik Upravnog odbora
Mr. Pero M. Goluža, dipl.ing**

Broj: UO-01-3-5-1-3/2017
Sarajevo, 27.01.2017.godine